



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia Catholica, Hoc Est Christianae Fidei, Qvam Ad
Salvtem Animarvm Aviti Avgvstae Domvs Saxonicae
Principes, Reges, & Imperatores coluerunt, Gloriosa
Confessio**

Cutsemius, Petrus

Coloniae Agrippinae, 1621

De Origine Electionis Regis Romanor. Per Vota Procervm Germaniae.

urn:nbn:de:hbz:466:1-11884

fuâ instituerat authoritate. Sed qui truculen-
tis vtrumq; affecit pænis Cæsar Otto III. ag-
natum suum Gregorium, amoto schismate, in
pacifica fede collocavit: quod sic breuib. in-
dicat verbis Ditmarus lib. 4. *Dehinc Romã ve-
niens gloriosè nepotem suũ Brunonem Ottonis fi-
lium Ducis, in loco Iohannis Papæ nuper defuncti
cum omnium laude presentium constituit.*

Rebus itaque compositis Gregorius Papa
salubria inquit consilia, quæ spectant, tum S.
R. Ecclesiam, tum Imperium, concilium con-
uocatis Romam Episcopis congregans, cuius
memoria est in Actis S. Adelberti, Episcopi
Pragæ, apud Prutenos Martyris, de quo su-
pra in Ottone III. dictũ fuit, qui à Bohemis in
exiliũ pulsus Romã venerat, petens à Papa li-
cetiã, & benedictionẽ peregrinandi ad terrã
Sanctã. Quæ non parvè considerationis causa,
in eadẽ tunc Synodo peruoluitur & votis E-
piscoporũ, in primis Archiepiscopi Mogun-
tini, concluditur, vt Adelbertus posthabito
vitæ discrimine redeat ad refractarias oues.

* *Affensit Papa Gregorius, & semel susceptum gre-
gem non posse eum impunè dimittere Scripturæ
sententijs affirmat.* *In Actis
S. Adelb.

DE ORIGINE ELECTIONIS

REGIS ROMANOR. PER VOTA PROCERVVM

GERMANIÆ.

QVOD AD Imperiũ verò, sollicitè tractavit
cũ Cæsare Ottone III. agnato suo, quẽ in

F 2

infelice

infœlice coniugio sine prole viuere cernebat, & mori timebat, qualiter Imperium à Græcis ad Germanos gratiâ, & authoritate Apostolicâ translatum, perque hæredum generationes, atque successiones, bono tempore annorum scilicet ducentorum propagatum, posthac per liberæ Electionis vota Ecclesiasticorum simul & Laicorum Imperij Procerum, Principibus Germaniæ permaneret. Et placuit Ottoni sententia. Vnde Gregorius Papa V. à multis scriptoribus cæpit haberi author Septemuiratus qui est in Imperio: à nonnullis verò iste Imperator Otto, quia constat inter omnes communi vtriusque ope, & opera; consilio vnius, & consensu alterius, rem tantæ molis, & nouæ consuetudinis constituendi Caput Imperij feliciter pactam, & peractam esse.

DE PRINCIPIBVS
ELECTORIBVS.

TAMEN si quis distinctè de Septem Imperij Electoribus ijs, quos firmavit Aurea Bulla loqui velit, meâ sententiâ neuter, neq; Gregorius, neque Otto constitutionis, & sanctionis istius primus author dici potest. Persuadent hoc mihi rationes, quas etiam Onuphrius pro sua tangit opinione in libro de Comitibus Imperatoribus, quæstionem
illam